

A Mesa da Deputación Permanente do Parlamento de Galicia, na súa reunión do día 11 de marzo de 2024, adoptou, entre outros, o seguinte acordo:

PUNTO 2.º COMPOSICIÓN DO PARLAMENTO, RÉXIME E GOBERNO INTERIOR, ORGANIZACIÓN E FUNCIONAMENTO

2. Réxime Interior

2.1. Estatuto das deputadas e dos deputados

2.1.1. Acordo relativo á finalización do mandato dos membros da Deputación Permanente da XI lexislatura e que non formen parte da nova Cámara resultante das eleccións autonómicas do 18 de febreiro de 2024

Tendo en conta o precedente da X lexislatura

A Mesa da Deputación Permanente adopta o seguinte acordo:

1.º) As deputadas e os deputados da Deputación Permanente que non formen parte da nova Cámara resultante das eleccións ao Parlamento de Galicia do 18 de febreiro de 2024:

- (a) Cesan o día da sesión constitutiva da nova cámara, a non ser que comuniquen a súa renuncia con anterioridade.
Ilo implicará a súa baixa en nómina, réxime social e seguro accidentes.
- (b) Poderán ocupar os seus despachos ata o día anterior á sesión constitutiva da nova Cámara, data na que procederán á retirada dos seus efectos persoais e da documentación, e á entrega da chave ao seu grupo parlamentario, onde pasará persoal da Administración parlamentaria a recollela.
- (c) Deberán entregar os ordenadores portátiles, teléfonos móbiles, cargadores e impresoras. A entrega farase antes da sesión constitutiva da Cámara no Servizo de Tecnoloxías da Información e deberá comunicarse á Intervención e Asuntos Económicos. Sen embargo, no mesmo prazo poderán optar por adquirir os dispositivos portátiles, telefónicos e informáticos, previa taxación pericial do seu valor, conforme ao establecido no artigo 31.4 do Regulamento de organización e funcionamento da Administración do Parlamento de Galicia (DOG núm. 87, do 7 de maio de 2018), na redacción dada polo acordo da Mesa da Cámara do 11 de febreiro de 2019 (DOG núm. 36, do 20 de febreiro de 2019).
- (d) Poderán manter o número persoal do teléfono móbil do Parlamento, se así o solicitan no Servizo de Tecnoloxías da Información ata a data da sesión constitutiva da Cámara. De non mediar esa comunicación, o Servizo de Tecnoloxías da Información procederá á baixa da antedita liña nese día.
- (e) Disporán do sistema de telepeaxe VIAT ata o día da sesión constitutiva, data límite para a súa entrega á Intervención e Asuntos Económicos. Nesa mesma data, a

Sr. deputado/Sra. deputada membro da Deputación Permanente da XI lexislatura
Sr. portavoz do G.P. Popular de Galicia
Sr. portavoz do G.P. dos Socialistas de Galicia
Sra. portavoz do G.P. do Bloque Nacionalista Galego



Intervención dará de baixa ás deputadas e deputados cesantes no convenio existente con RENFE.

As unidades competentes da Administración parlamentaria comprobarán o cumprimento do establecido nos puntos anteriores.

2.º) A información aloxada nos sistemas informáticos do Parlamento de Galicia (conta de correo electrónico, conta de *Active Directory* e arquivos persoais) será conservada só durante os cinco días que seguen á data de baixa efectiva da súa condición como deputado/a. Pasado este prazo, a información será eliminada de xeito permanente e irrecuperable. As deputadas e os deputados cesantes da Deputación Permanente e que non formen parte da nova Cámara con antelación a esta data límite, poderán solicitar copia dos seus datos, así como da súa caixa de correo, no Servizo de Tecnoloxías da Información.

3.º) Comunicarlles este acordo aos grupos parlamentarios, aos que foron deputadas e deputados da Deputación Permanente da XI lexislatura, ao Servizo de Persoal e Réxime Interior, á Intervención e Asuntos Económicos e ao Servizo de Tecnoloxías da Información.

Santiago de Compostela, 12 de marzo de 2024

Miguel Angel
Santalices Vieira,
Presidente
Miguel Ángel Santalices Vieira
Presidente



Firmado digitalmente por Miguel Angel Santalices Vieira, Presidente
Nombre de reconocimiento (DN): cn=Miguel Angel Santalices Vieira, Presidente,
email=miguel.angel.santalices.vieira@parlamentodegalicia.es
Fecha: 2024.03.12 11:15:30 +01'00'

Sr. deputado/Sra. deputada membro da Deputación Permanente da XI lexislatura
Sr. portavoz do G.P. Popular de Galicia
Sr. portavoz do G.P. dos Socialistas de Galicia
Sra. portavoz do G.P. do Bloque Nacionalista Galego





Asinado dixitalmente por:

Miguel Angel Santalices Vieira, Presidente na data 12/03/2024 11:15:30

